



# Adroddiad Gwrthwynebu- Mewn perthynas â'r cais i gynyddu capasiti Ysgol Plas Brondyffryn

## Chwefror 2023

# Adroddiad Gwrthwynebu

Os oes angen copi caled o'r adroddiad hwn arnoch, anfonwch e-bost at [modernisingeducation@denbighshire.gov.uk](mailto:modernisingeducation@denbighshire.gov.uk) gan nodi eich enw a'ch cyfeiriad post. Nodwch a hoffech gael y ddogfen yn Gymraeg neu Saesneg, neu'r ddwy iaith.

# Adroddiad Gwrthwynebu

## Contents

Cyflwyniad	4
Ymgynghoriad Ffurfiol	4
Hysbysiad Statudol	4
Cyhoeddi'r Adroddiad Gwrthwynebu	8
Penderfyniad y Cabinet	8
Argymhelliad	8
Hysbysiad o'r Penderfyniad	9
Atodiad 1	10

# Adroddiad Gwrthwynebu

## Cyflwyniad

Cwblhaodd Cyngor Sir Ddinbych gyfnod ymgynghori ffurfiol mewn perthynas â'r cynnig i gynyddu capasiti Ysgol Plas Brondyffryn o 116 i 220. Bydd yr ysgol yn symud i gyfleuster pwrpasol newydd sbon ar gyfer diwallu'r cynnydd.

## Ymgynghoriad Ffurfiol

Dechreuodd yr ymgynghoriad ffurfiol ar 17 Mai 2022 ac fe ddaeth i ben ar 27 Mehefin 2022, yn unol â'r Ddeddf Safonau a Threfniadaeth Ysgolion (Cymru) 2018. Dosbarthwyd y ddogfen ymgynghori a chafodd dolenni eu hanfon at bob ymgynghorai statudol, ac fe gyhoeddwyd copi hefyd ar wefan y Cyngor:

<https://www.denbighshire.gov.uk/cy/eich-cyngor/ymgyngoriadau/cynnig-i-gynyddu-capasiti-ysgol-plas-brondyffryn-dinbych.aspx>

Cafodd yr adroddiad ymgynghori mewn perthynas â'r cynigion hyn ei hysbysebu ar 22 Medi 2022 a hysbyswyd yr holl ymgynghoreion Statudol a phartïon cysylltiedig yn uniongyrchol am y cyhoeddiad ar y wefan Sir Ddinbych fel uchod. Gellir gweld rhestr lawn o'r derbynwyr yn **Atodiad 1**.

## Hysbysiad Statudol

Ar 18 Hydref, ystyriodd Cabinet y Cyngor yr Adroddiad Ymgynghori ac fe gytunwyd i fwrw ymlaen â'r cynnig, gan newid y dyddiad gweithredu o 1 Medi 2024 i 28 Ebrill 2025.

Dechreuwyd y cyfnod o Wrthwynebu Statudol ddydd Mawrth 8 Tachwedd 2022 am gyfnod o 28 diwrnod, gan ddod i ben ddydd Llun 5 Rhagfyr 2022.

Derbyniwyd 2 wrthwynebiad trwy e-bost yn ystod y cyfnod hwn. Roedd mwyafrif y pwyntiau a godwyd yn y gwrthwynebiadau a dderbyniwyd yn ymwneud â lleoliad arfaethedig yr adeilad newydd yn hytrach na'r cynnig dan sylw, sef y cynnydd yn y capasiti

## Adroddiad Gwrthwynebu

o 116 disgybl i 220 o ddisgyblion. Dywedodd yr Hysbysiad Statudol fod “gweithrediad yn amodol ar gytuno ar safle, caniatâd cynllunio yn cael ei gymeradwyo, cyllid ar gael a bod yr adeilad newydd yn barod.” Bydd y materion hyn yn cael eu hystyried yn llawn fel rhan o'r prosesau cymeradwyo hyn.

Ceir crynodeb o'r gwrthwynebiadau hyn ynghyd ag ymateb y Cyngor yn y tabl isod.

Pwynt Gwrthwynebu	Ymateb yr Awdurdod Lleol:	Nifer sy'n codi'r mater
<p>1. Lleoliad:</p> <p>Anaddas ar gyfer ysgol, defnyddir y cae'n lleol, dylai fod yn Fan Gwyrdd a ddiogelir.</p>	<p>Roedd yr Hysbysiad Statudol a gyhoeddwyd yn canolbwyntio ar gynyddu capasiti'r ysgol.</p> <p>Roedd Nodyn Esboniadol rhif 2 yn datgan:</p> <p>“Mae gweithredu'r cynnig yn amodol ar gytuno ar safle, caniatâd cynllunio yn cael ei gymeradwyo, cyllid ar gael a'r adeilad newydd yn barod.’</p> <p>Bydd y cynnig yn amodol ar y broses gynllunio.</p>	<p>2</p>
<p>2. Addasrwydd y safle:</p> <p>Effaith ar ddisgyblion Ysgol Uwchradd Dinbych.</p> <p>Nid yw'r ysgol ar gyfer disgyblion Dinbych yn unig.</p> <p>Nid oes lle i ehangu ar y safle yn y dyfodol.</p>	<p>Mae Ysgol Uwchradd Dinbych yn rhan o brosiectau Band B yr Awdurdodau Lleol ac mae'n anochel yn gysylltiedig â'r cynnig ar gyfer Ysgol Plas Brondyffryn.</p> <p>Os bydd y ddarpariaeth uwchradd yn Ysgol Plas Brondyffryn yn symud o safle Ysgol Uwchradd Dinbych, bydd yr adeilad ar gael yn ogystal ag iard</p>	<p>1</p>

## Adroddiad Gwrthwynebu

	<p>ychwanegol a mynediad gwell i gae arall yr ysgol, a ddefnyddir ar gyfer gwersi Addysg Gorfforol yn unig.</p> <p>Mae'r Awdurdod Lleol yn credu mai Dinbych yw'r lleoliad cywir ar gyfer yr ysgol, mae'r ysgol wedi bod yn y dref erioed ac o ystyried dalgylch disgyblion yr ysgol, ystyrir Dinbych yn ganolog, gan sicrhau amseroedd teithio rhesymol i'r rhai yng ngogledd a de'r sir i'r ysgol.</p> <p>Credwn fod maint yr ysgol yn ddigonol ar gyfer diwallu'r galw yn y dyfodol ac ni fyddem yn gallu cyfiawnhau ei hadeiladu'n fwy. Caiff dyluniad y manau sydd eu hangen eu llywio gan Fwletin Adeiladu 104 (BA104)</p>	
<p>3. Traffig: Pryderon ynghylch y fynedfa ar ffordd Ystrad</p>	<p>Mae hyn yn bryder o ran y lleoliad ac nid y cynnig ynghylch cynyddu capasiti'r ysgol.</p> <p>Byddai'r pryderon hyn yn cael eu hystyried yn cael ei ystyried fel rhan o unrhyw broses gynllunio ar gyfer y safle arfaethedig.</p>	1
<p>4. Colli cae chwarae/man gwyrdd- Colli cae Ysgol Uwchradd Dinbych i'r ysgol, colli trac</p>	<p>Roedd yr Hysbysiad Statudol a gyhoeddwyd yn canolbwyntio ar gynyddu capasiti'r ysgol.</p> <p>Byddai cynigion y Cyngor yn sicrhau bod y ddarpariaeth gywir yn parhau ar</p>	2

## Adroddiad Gwrthwynebu

<p>rhedeg, colli cae fel cyfleuster chwaraeon.</p> <p>Nid yw'r cynnig yn rhoi llawer o ystyriaeth i'r clybiau a'r ysgol uwchradd sydd eisoes yn defnyddio cae Ysgol Uwchradd Dinbych. Beth fydd yn cael ei gynnig fel dewis amgen addas?</p>	<p>gyfer Ysgol Uwchradd Dinbych o ran cyfleusterau awyr agored ac ystyriaeth yn cael ei rhoi i unrhyw welliannau sydd eu hangen i'r caeau a fyddai'n cael eu defnyddio gan Ysgol Uwchradd Dinbych wrth symud ymlaen.</p> <p>Byddai hyn yn cael ei benderfynu gan y cais cynllunio a byddai'n cael ei ystyried fel rhan o'r broses gynllunio.</p>	
<p>5. Ysgolion eraill yn Ninbych:</p> <p>Rhaid ystyried effaith yr estyniad ar ysgolion eraill yn Ninbych, o ystyried yr ystadau tai newydd yn y dref.</p>	<p>Mae cynigion Band B y rhaglen Cymunedau Cynaliadwy ar gyfer Dysgu- y rhaglen Ysgolion a Cholegau ar gyfer yr 21<sup>ain</sup> Ganrif yn flaenorol, yn canolbwyntio ar dref Dinbych, gan gynnig y 3 phrosiect canlynol:</p> <ul style="list-style-type: none"> <li>• Cynnig i ailadeiladu Ysgol Pendref,</li> <li>• Cynnig i gynyddu capasiti Ysgol Plas Brondyffryn trwy adeiladu cyfleuster pwrpasol newydd,</li> <li>• Cynnig i ailwampio Ysgol Uwchradd Dinbych.</li> </ul> <p>Pe bai'r 3 chynnig yn mynd yn eu blaenau, byddai buddsoddiad o £46.6 miliwn yn y dref.</p> <p>Fel rhan o'r achos busnes ar gyfer unrhyw brosiect, caiff effaith ystadau tai</p>	<p>1</p>

## Adroddiad Gwrthwynebu

	newydd eu hystyried wrth adolygu capasiti'r ysgolion perthnasol.	
--	--	--

### Cyhoeddi'r Adroddiad Gwrthwynebu

Bydd yr Adroddiad Gwrthwynebu'n cael ei gyhoeddi a'i rannu ar wefan y Cyngor, a bydd copïau caled ar gael ar gais.

### Penderfyniad y Cabinet

Bydd y ddogfen hon yn cael ei hystyried yn llawn yng nghyfarfod y Cabinet, a gynhelir ar 21 Chwefror 2023.

Mae'r holl wrthwynebiadau a dderbyniwyd yn ystod y cyfnod gwrthwynebu ar gael i Aelodau'r Cabinet yng Nghyngor Sir Ddinbych, Neuadd y Sir, Rhuthun, ynghyd ag adroddiad ymgynghori ar gyfer archwiliad pellach.

Gofynnir i Aelodau'r Cabinet adolygu'r cynnig a gwneud penderfyniad terfynol ynghylch a ddylid gweithredu'r cynnig isod:

**Addasu Ysgol Plas Brondyffryn yn Ninbych, er mwyn cynyddu'r capasiti o 116 i 220.**

### Argymhelliad

Mae'r Adroddiad Gwrthwynebu hwn yn argymhell, yn unol â'r prosesau a amlinellir yng Nghod Trefniadaeth Ysgolion 2018 a'r wybodaeth a gasglwyd ac a adolygwyd yn ystod y cyfnod ymgynghori a'r cyfnod gwrthwynebu ffurfiol, fod yr Aelodau'n cymeradwyo'r cynnig a amlinellir uchod ac yn rhoi caniatâd fel rhan o benderfyniad terfynol y Cabinet i symud ymlaen i'r cam gweithredu.



# **Adroddiad Gwrthwynebu**

## **Hysbysiad o'r Penderfyniad**

Mae'n rhaid gwneud penderfyniadau (mewn perthynas â chynigion sydd angen eu cymeradwyo a gwneud penderfyniad arnynt) a'u cyhoeddi ar ffurf llythyr penderfyniad. Dylai'r llythyr penderfyniad nodi'r rhesymau dros y penderfyniad yn glir, gan gyfeirio at God Trefniadaeth Ysgolion 2018.

Bydd y llythyr penderfyniad yn cael ei gyhoeddi'n electronig ar wefan y Cyngor a rhoddir gwybod i'r ymgynghoreion fel yr amlinellir yn Adran 5.6 yn y Cod Trefniadaeth Ysgolion trwy lythyr/e-bost fod y ddogfen ar gael.

# Adroddiad Gwrthwynebu

## Atodiad 1

Rhif	Budd-ddeiliad
1.	Rhieni disgyblion Ysgol Plas Brondyffryn
2.	Athrawon a staff cefnogi yn Ysgol Plas Brondyffryn
3.	Corff Llywodraethu Ysgol Plas Brondyffryn
4.	Cyngor Ysgol Plas Brondyffryn - Cynradd ac Uwchradd
5.	Esgobaeth Llanelwy
6.	Esgobaeth Wrecsam
7.	Penaethiaid a Chadeirydd Llywodraethwyr pob ysgol yn Sir Ddinbych (Ysgolion Cynradd, Uwchradd ac Arbennig)
8.	Partneriaeth Plant a Phobl Ifanc Sir Ddinbych a Phartneriaeth Datblygu'r Blynyddoedd Cynnar a Gofal Plant
9.	Pediatreg Gymunedol y GIG
10.	Cynghorwyr Cyngor Sir Ddinbych
11.	Aelodau'r Cynulliad ac Aelodau Seneddol Lleol a Rhanbarthol
12.	Cyngor Tref Dinbych
13.	Llywodraeth Cymru
14.	Estyn
15.	Undebau Llafur staff addysgu a chefnogi perthnasol
16.	Gwasanaeth Effeithlonrwydd a Gwella Ysgolion Rhanbarthol Gogledd Cymru
17.	Comisiynydd yr Heddlu a Throsedd Gogledd Cymru

## Adroddiad Gwrthwynebu

18.	Comisiynydd y Gymraeg
19.	Cyngor Sir y Fflint - Prif Swyddog Addysg ac Ieuenctid
20.	Cyngor Bwrdeistref Sirol Conwy - Pennaeth y Gwasanaethau Addysg
21.	Cyngor Bwrdeistref Sirol Wrecsam - Prif Swyddog Addysg ac Ymyrraeth Gynnar
22.	Cyngor Sir Ddinbych - Pennaeth Addysg
23.	Cyngor Gwynedd - Pennaeth Addysg
24.	Cyngor Sir Ynys Môn - Cyfarwyddwr Addysg, Sgiliau a Phobl Ifanc
25.	Gwasanaeth Anableddau Dysgu Plant a Phobl Ifanc
26.	Cymdeithas Genedlaethol Awtistiaeth